

صاحبی ، مدیری ، محرری :

ظاهر المولوی

آبونه بدلی :

ستہ لکی ۱۰۰ غروش

آلنی آیلنی ۵۰ «

اوج آیلنی ۲۵ «

مختل

۱۳۳۸

اداره خانہ سی :
شوزادہ باشندہ (تعالی اسلام)
جمعیتی مرکز عمومی

مرکز توزیعی :
باب عالی جادہ سندہ اتحاد
تجارت کتب خانہ سی

اسلامک نفعہ خادم مقالات
مع التشرک قبول و درج اولونور

دینی ، علمی ، ادبی ، اجتماعی و سبیلک شہری مجموعہ اسہوہ در

(۱۳۳۸ ذی الحجہ سنہ مخصوص نسخہ) فی ۷ بوجوق غروش

عدد : ۶

مندرجات :

مختل دینی و علمی : فرضیت حج ، وقفہ صرفات ، بر آیت کریمہ مناسبتیہ ، دین اسلامک واضی ، حکمت تشریع

مختل تاریخی : بویوکلر سزدن مابعد ، معتقدات جاہلیہ

مختل ادبی : صرب رومانلری ، مناجات ، ذبح اسماعیل ، غنی کشمیری ، مختلک تاریخ انتشاری

مختل اجتماعی : تعالی اسلام جمعیتی واجرا آئیلہ بیاننامہ لرندن بعضلری

تبریک و تشکر

عید سعید اضیحاںک بالجملہ اخوان دین حقندہ متیمن و دولت و ملتک سعادت آتیہ سنہ مبدأ اولماہی الطاف
سبحانیہ دن متمنادر .

(مختل) ک انتشارینی اعلان و تبریک لطفندہ بولونان رفقای محترمہ ، بالخاصہ مختل و صاحب ناجیزی حقندہ
بک ملتفتانہ و مشوقانہ توجہ ارانہ بویوران ادیب بی ہمال علی کمال بک افندی حضرتلرینہ عرض شکران اولونور .

عصر سعادتده مسلمانلئك مدنئته خدمتلى

— مابعد —

دعوتات هوالله

بعث محمدیه اثنا سنده جزیره العرب سکنه سی؛ معتقدات دینیه خصوصنده قارمه قاریشیق بر حالد ایدی. عراقده کی حیره لیلر؛ مجاور بولونقلری ایرانیلرک مجوسیلکنه قاتلمش، سوریه ده کی غسانیلر؛ قومشو اولدقلری ییزانس حکومتک عیسویلمکنه، مدینه و یمن حوالیسندنه کی بعض قبائل ده اوراده کی یهودیلرک دیننه قایللمشیدی. یونلردن باشقه (صابئی) و (دهری) مذهبنه گیرنلرده واردی. اکثریتی اینه بتپرستلر تشکیل ایدیوردی. حجاز، یمن و عمالقه قبائلنه بمیتدن علی التخیمین یگرمی عصر مقدم اسماعیل علیه السلام بعث ایدیلش، فقط زمانک اوزاقلنی و خلقت جهالتی یوزندن شریعتی احکامی اونوتولمقله برابر بعض بقیه سی، علی الخصوص توحید البهی عقیده سی هجرتدن یدی و سکنز عصر اولنه قدر محافظه قیلینمش اولدقنی حالده مکده موقع ریاسته کچن (عمرو بن لخی) نامنده بر حریف طرفندن فکر توحید، خلقت اذهاندن ازاله اولونمشدی. چونکه: بویادکار؛ تداوی ایچون کتیدیکی (بلقا) جهتلرنده کوردیکی بوتلردن بر دانه سی مکیه کتیروب هر کسی بونک پرستنه سوق ایلمش و بتپرستلک قطعه حجازیه ده شوصورتله شیوع بولمشدی.

عمرو بن لخی کتیردیکی بوتک آدی (هبل) ایدی که انسان شکنده اولوب طاشدن یونولمش، بوندن صوکراده بر چوقی صنملر احداث ایدیلوب کعبه مکرمه نك داخل و خارجه جمعا یگون ۳۶۰ دانه بوت قونولمشدی. خرما ایله کش، یاخود خرما ایله یاغدن معمول بر میك دیمك اولان (حیس) دن معبود یا یوب طاینانلر

وصو کرا قبطاقه اوغرا یوب اوممبودی یینلر [*] بولوندینی کبی راست کله اله کچن طاشلره پرستش ایدنلر؛ صوکراده لدی الاقتضا او طاشلره استنجا ایله ینلر پیدا اولمشدی. نبی اکرم (صلعم) افندیغز «ایها الناس قولوا لا اله الا الله» یعنی «ای انسانلر! اللهدن باشقه معبود یوقدر دییگز» تنبیه مرشدانه سیله بوضالات اربابی ایقناط ایله دی. قرآن حکیم ده (واللهکم اله واحد لا اله الا هو الرحمن الرحیم - سورة البقره) یعنی «سزک اللهکمز؛ معبود یکانه اولان رب متعالدر. رحمن رحیم اولان او ذات اقدسدن باشقه شایان پرستش هیچ بر معبود یوقدر، کبی آیات جلیله ایله حقیقت توحید عقیده صحیحنه منی تلقین ایتدی. و (لوکان فیها آلهة الا الله لفسدنا) یعنی «یرده، کوکده اللهدن باشقه بر معبود اولسه یدی زمین و آسمانک صلاح و انتظامنه خلل کایردی» دلیل قاطعیه شریک باری وجودینه امکان بولونمادیغنی اثبات ایتدی.

* *

حجازده بتپرستلک ناصیل شیوع بولدیغنه و طاینانلر مشهور بوتلرک هانکیلری ونه کبی شیلر اولدیغنه دایر استطراداً بورایه بر بحث علاوه سنه لزوم کوردیم: یمن و شام طرفلری قاریشیدر بلقیسین حجاز قطعه سنده کی بتپرستلک ظهوری؛ هجرتدن یدی، سکنز عصر اول و میلادک برنجی، یاخود ایکنجی عصرندن مقدم دکلدرد. زیرا ابوهریره رضی الله عنک «رسول الله صلی الله علیه وسلم حضر تلرینی ایشیتدم که (اکثم بن الجون) خطاباً: «جهنمی کوردیم. اوراده (عمرو بن لخی بن قحط بن خندف) ی باغیرضاقلرینی اتشله ایچنده سورور بر حالد مشاهده ایتدم. یا اکثم! سندن اوکا، اوندن سکا دها زیاده مشابه

[۱] بونلر: یمامه ده کی (بنی حنیفه) افرادی ایدی که «بنی حنیفه، سوء عاقبت و هلاک اوغراقی خصوصنده معبودلردن چکینه دیلرده قیطاق و آچلق زماننده اونی یه دیلر» مألنده اولق اوزره حقلرنده شوبله بر قطعه سوبله نیلمشیدی: اکلت حنیفه رهبا زمن التجم والحاجه لم یحذروا من ربه سوء العواقب والتباعد

ایتمش وهرنه امر ایلر سه اطاعت کورده جک بر درجه یه کشیدی .

عمر و بن لخی؛ بر دفعه شام طرفه طوغور و بر سیاحت یایدی و بطقا جهتلرنده کی عمالقه قاپاسنک بر طاقیم طاشلره طابندیقنی کوردی . سؤال واقعه :

— بونلر ؛ بزم معبودلریمزدرا جوانی آلهجه :


— آمان ا بردانده بکا ویرک . دییه رک (هبل)

نامنده کی مشهور بونی برده و ده یوکه توب مکبه کتیردی و کبه مکرمه نک جوارینه وضع ایله برستش اولونماسنی امر ایتدی . ایشته ارض حجازده کی بترستک شو صورتله باشلا .

دی . بوندن اول ایسه — زمانک اوزاقلندن و علم عرفانک یوقسوللندن — ابراهیم و اسماعیل علیهما السلامک شریعتلری

اونو تولقله برابر عربان حجاز آراسنده توحیدباری اهتقادی جاری ایدی . نته کیم « یاسه سوومه یک . زیرا او مؤمن ایدی »

مألنده کی « لاتسبوا الیاس فانه کان مؤمنه » حدیث شریفی بونی مؤیددر . « مابعدی وار



محل ادبی

عرب رومانلری

تکامل ادبیلرله لظم و نثرلرنده مهم انقلابات وجوده کتیرمش اولان عربلر، رومان و ادیبی ده اهمال ایتمه مشلر، سجاای ملیه لرینک معکسی حکمنده بولتان بر جوق، رومانلر یازمشلردر .

بورومانلرک المشهورلری « ابوزید » « صراط المجاهدین » « سیف التیجان » « غنمه » « الف لیلة واللیلة » عنوانی اثرلردر .

نمونه اولقی اوزره بونلردن بالکنز برینسک « مشلا « ابوزید » ک موضوعنه دأثر برایکی سوز سوبله یلم .

کیمسه کورمه دم . بویوردی . اکثم : یارسول الله ! شو مشامتک بکا مضر اولماسندن قورقارم . دیدی . علیه . الضلوة والسلام اقدیمز : خایر، قورقا . سن مؤمنسک ، او کافر ایدی . ایلمک اوکجه دین ابراهیمی تغیر ایتمش و (بحیره) (سائبه) (وصیله) (حامی) اتخاذا یله مشدی . جوانی ویردی « مألنده کی « سمعت رسول الله صلی الله علیه وسلم یقول لا اکثم بن الجون یا اکثم عرضت علی النار فرأیت فیها عمر و بن لخی بن قعنه بن خندف یحجر قصبه فی النار فראیت رجلاً اشبه برجل منک به و لا به منک . فقال اکثم اخشی ان یضرنی شبهه . فقال رسول الله صلی الله علیه وسلم لا انک مؤمن و هو کافر انه اول من غیر دین ابراهیم و بحر البحیره و سبب السائبه و حمی الحام — بخاری » حدیث شریفک مدلول منبئی موجبجه حجازده دین حنیف ابراهیمی تغیر ایدن (عمر و بن لخی بن قعنه بن خندف) دنیلن یادکار ایدی . بو حریفک (بنی خزاعه) رئیس اولدینی معلوم ایسه ده لسباً (قحطانی) یاخود (عدنانی) ، تعمیر دیکرله (یمانی) یاخود (حجازی) بولوندیقنده اختلاف وارددر . بعض مؤرخلر ؛ بو اختلافی حل ایتمک اوزره « مکبی استیلا ایله جرهمیلری اجلا ایله بن بنی خزاعه رئیس (حارث بن عمر و صریقیا) اجداد کرام پیغمبریدن (الیاس بن مضر) حضر تلرینک اوغلی (قعنه بن خندف) [۱] ک حرمنی — زوج اولنک وقاتی متعاقب — تزوج ایله دی و او ائشاده حامل بولونان قادین — بالاخره (لخی) لقبی آلان (ربیعہ) بی طوغوردی . حارث بن عمرو ده اوکی اوغلنی اولادی کی سه و ده وک بویوتدی و دیمشلردر .

ایشته عمر و بن لخی یادکاری [۲] بوربیمه ، نام دیکر لیک اوغلی اولوب خزاعیلرک راسته و جوار بیت الحرامک امارتنه کچو وک العام و اکرام ایله هر کسک کوکافی الله

[۱] خندف : الیاس حضر تلرینک زوجهمی (لیلی بنت حلوان بن عمران) ک لقبیدر که قعنه بن الیاسک والده سیدر . [۲] عمرو بن لخی ک ۳۰۰ سنه یاضامش و اولاد و احفادندن ۱۰۰۰ جنکاور کورمش اولدینی حقنده کی روایت ، الفسانه در .